

續焚書

上
冊

(明)李贄著

續焚書

卷上

一

(書

彙册)

中華書局

李氏續焚書序

新安汪鼎甫，從卓吾先生十年，其片言隻字，收拾無遺。先生書既盡行，假託者衆，識者病之。鼎甫出其言善篇，續焚書，說書，使世知先生之言有關理性，而假託者之無以爲也。鼎甫亦有功於先生已！

澹園老人焦竑

讀卓吾老子書述

華亭侗初張鼎撰

卓吾死而其書重。卓吾之書重而眞書、贗書并傳於天下。天下人具眼者少，故眞書不能究其意，而贗書讀之，遂足以禍人。蓋人知卓吾爲後世著書，而不知其爲自己寫照。卓吾之面目精神不可見，而萬世猶能見之者，書也。

卓吾疾末世爲人之儒，假義理，設牆壁，種種章句解說，俱逐耳目之流，不認性命之源，遂以脫落世法之踪，破人間塗面登場之習，事可怪而心則眞，跡若奇而

腸則熱。且不直人世毀譽，生死不關其胸中，卽千歲以前，千歲以後，筆削是非，亦不能□其權度。總之，要人絕盡支蔓，直見本心，爲臣死忠，爲子死孝，朋友死交，武夫死戰而已。此惟世上第一機人能信受之；五濁世中那得有奇男子善讀卓吾書，別其非是者！今俗子僭其奇誕以自淫放，而甘心於小人之無忌憚，動輒甲乙筆墨，亂其手澤，而託言卓吾老子之遺書。夫一古人之書耳，有根本者下筆鑒定，則爲畫龍點睛；無根本者妄意標指，則爲刻舟記劍。嗟乎，我安得具眼之人讀卓吾氏之書哉！

或謂卓吾老子削髮奇，畜髮奇，髡而髭鬚奇，誦經而葷血奇，爲不知死則又奇。余謂此非卓吾老子之精神面目也。卓吾卽不髡，不葷，不刎死，奇固自在。然則卓吾之書益難讀矣。今贗而溷者，是學其髡，學其葷血而刀鋸以死也，豈不誤人甚哉！信矣。卓吾之眞書重也。眞書重而贗書可以無辨。

汪鼎甫示我續焚書及說書而並求作三教鈔序。余謂鼎甫報卓吾恩，須訂定其眞書，而列之目，傳於海內。雖然，此其功且在萬世，與眞書不朽，寧止報一卓吾老子恩也！余不及見卓吾而喜讀卓吾書，遂書其語而

歸之。

續焚書 讀卓吾老子書述

時萬曆戊午秋七月七夕後二日書於廣陵舟中。

六

續刻李氏書序

鈞從先生遊九年所，朝夕左右未嘗須臾離也。稱事先生之久者無如鈞，宜知先生之真者亦無如鈞。顧鈞何足以知先生哉！則先生之自知也，先生自與天下萬世人共知之也。

先生一生無書不讀，無有懷而不吐，其無不讀也，若飢渴之於飲食，不至於飫足不已，其無不吐也，若茹物噎而不下，不盡至於嘔出亦不已。以故，一點攬自足天下萬世之是非，而一欬唾實關天下萬世之名教，不

但如嬉笑怒罵盡成文章已也。蓋言語真切至到，文辭驚天動地，能令聾者聰，瞶者明，夢者覺，醒者醒，病者起，死者活，躁者靜，聒者結，腸冰者熱，心炎者冷，柴柵其中者自拔，倔強不降者亦無不意頻而心折焉。何若是感觸之靈通且異也！然卒以此不免，至自引決，則又非鉤之所敢知矣。

嗟乎，人誰不死，獨不得死所耳！一死而書益傳，名益重。蓋先生嘗自言曰：「一棒打殺李卓老，立成萬古之名。」一棒與引決等死耳，先生豈死名者哉！至於今十有七年，昔之疑以釋，忌以平，怒以消，疑不惟釋且信，

忌不惟平且喜，怒不惟消且德矣。海以內無不讀先生之書者，無不欲盡先生之書而讀之者，讀之不已，或並其僞者而亦讀矣。夫僞爲先生者，套先生之口氣，冒先生之批評，欲以欺人而不能欺，不可欺之人，世不乏識者，固自能辨之。第浸至今日，坊間一切戲劇淫謔，刻本批點，動曰卓吾先生，耳食輩翕然豔之，其爲世道人心之害不淺，先生之靈必有餘恫矣。此則鉅所大懼也。

蓋先生之書未刻者種種不勝擢數。鉅旣不能盡讀，年來餬口將母，又不暇讀。今不幸先慈棄捐，困苦哀毀之餘，卽欲一讀先生之書而不可得，奈何！徒爾朽藏

以供筭蠹，是猶令日月不出而求熄燭火之光，不亦謬乎！此則鉅之大罪也。因搜未刻焚書及說書，與兄伯倫相研校讐。焚書多因緣語，忿激語，不比尋常套語，先生已自發明矣。說書先生自叙刻於龍湖者什二，未刻者什八。先以二種付之剞劂，餘俟次第刻之。

萬曆戊午夏仲新安門人汪本鉅書於虹玉齋中。

目錄

李氏續焚書序

（焦竑）

〔上册〕

讀卓吾老子書述

（張鼎）

續刻李氏書序

（汪本鉞）

卷一

書彙

答馬歷山

一

復馬歷山

六

與馬歷山

七

與陸天溥

二

與焦弱侯

三

與友人論文

五

復陶石簣

六

與方訢菴

六

復陶石簣

三

寄焦弱侯

三

答友人書

四

復焦弱侯

六

與周友山

七

與方伯雨

六

復丘長儒

三

與焦弱侯

三

復李士龍

四

答劉敬臺

五

與周友山

五

與焦弱侯太史

五

與吳得常

三

答來書

四

答馬侍御

四

與耿楚侗

與城老

與耿克念

答友人

與弱侯焦太史

又

答李惟清

答梅瓊宇

與焦漪園

與耿克念

答駱副使

答周友山

與焦弱侯

與馬伯時

與潘雪松

與李惟清

與馬伯時

與焦漪園太史

復劉肖川

復楊定見

與劉肖川

與梅長公

與周貴卿

復夏道甫

與周友山

與夏道甫

復夏道甫

與焦弱侯

與友人書

寄焦弱侯